

APPLICATION

- Nais mo bang parangalan ang Diyos sa pamamagitan ng iyong buhay at paglilingkod? Paano mo magagawang piliin na maglingkod sa iba at magbigay parangal sa Diyos sa kabila ng iyong mga pangangailangan at mga plano para sa linggong ito?
- Ibahagi ang isang kaloob, talento, o kakayanan na ibinigay sa iyo ng Diyos. Paano mo ito ginagamit upang pagsilbihan ang ibang tao? Saan ka maaaring magsilbi o kusang-loob na maglingkod upang magamit ang kakayanang ibinigay sa iyo ng Diyos?
- Ikaw ba ay umaasa sa kalakasan ng Diyos o sa iyong sariling kalakasan? Paano mo ito ginagamit upang paglingkuran ang iyong kapwa? Ano ang mga gawain o pananaw na kailangan mong baguhin upang ikaw ay lubusang umasa sa kalakasan na ibinibigay sa iyo ng Diyos?

PRAYER

- Pasalamatang ang Diyos sa mga handog, talento, at kakayanan na Kanyang ibinigay sa iyo upang ikaw ay pagpalain. Ipanalangin na ikaw ay tapat na maglilingkod at aasa sa kalakasan na Kanyang ibinibigay sa iyo araw-araw.
- Hilingin sa Diyos na ikaw ay gabayan sa iyong paggamit ng iyong mga talento at kakayanan, na iyong malaman kung paano at saan ka Niya tinawag na maglingkod. Ipanalangin na iyong matutunang mahalin at paglingkuran ang iyong kapwa gaya ng ginawa ni Jesus, at na magawa mong Siya ay parangalan sa lahat ng iyong gagawin.
- Ipanalangin na ikaw ay mabigyan ng maraming pagkakataon na makapaglingkod at na maraming tao ang mabibiyayaan sa pamamagitan ng iyong buhay. Ipanalangin na ang iyong mga kaibigan at mga kaanak na hindi pa nakakikilala kay Kristo ay mapalapit sa Kanya habang sila ay iyong pinaglilingkuran.



VICTORY

© 2015 by VICTORY®
Reserbado ang lahat ng karapatang pag-aari.

Lahat ng sipi ay mula sa ANG SALITA NG DIOS®
Karapatang Pag-aari © 2010 ng Biblica® Ginamit na may pahintulot
mula sa Biblica Publishing & Distribution Foundation, Inc.® Reserbado ang lahat ng pag-aari.
victory.org.ph

FILIPINO WEEK 4

Parangalan ang Diyos sa Pamamagitan ng Iyong Paglilingkod

NOTES

WARM-UP

- Ano ang iyong mga talento o kakayahan? Ibahagi sa grupo ang patungkol sa mga ito.
- Ano ang iyong pangarap na trabaho? Bakit mo gusto ang trabahong ito?
- Ibahagi sa grupo ang pinakamahirap na bagay na kinailangan mong gawin noong nakaraang linggo. Paano mo ito nagawang tapusin?

WORD

¹⁰Binigyan ng Diyos ang bawat isa sa atin ng kaloob. Gamitin natin ito para sa ikabubuti ng lahat bilang mabubuting katiwala ng iba't-ibang kaloob ng Diyos. ¹¹Ang binigyan ng kaloob sa pangangaral ay dapat mangaral ng salita ng Diyos. At ang binigyan ng kaloob para maglingkod ay dapat maglingkod ayon sa kakayahang ibinigay sa kanya ng Diyos, upang mapurihan ang Diyos sa lahat ng ginagawa natin sa pamamagitan ni Jesu-Cristo. Makapangyarihan siya at karapat-dapat purihin magpakailanman! Amen. **I PEDRO 4:10,11**

Ang buhay na nagbibigay karangalan sa Diyos ay buhay na may pag-ibig at paglilingkod. Pinararangalan natin ang Diyos sa pamamagitan ng paggamit ng lahat ng ibinigay Niya sa atin upang gawin ang Kanyang mga ipinapagawa at pagsilbihan ang Kanyang mga mamamayan. Sa araling ito, ating pag-iisipan ang tatlong katotohanan tungkol sa pagpaparangal sa Diyos sa pamamagitan ng ating paglilingkod.

1 Ako ay may natanggap na kaloob mula sa Diyos.

*Binigyan ng Diyos ang bawat isa sa atin ng kaloob. Gamitin natin ito para sa ikabubuti ng lahat bilang mabubuting katiwala ng iba't-ibang kaloob ng Diyos. **I PEDRO 4:10***

Ang Diyos ay binayayaan tayo ng iba't-ibang kaloob. Ang bawat isa sa atin ay natatangi at pinagkatiwalaan Niya ng kaloob para sa isang natatanging layunin. Ang ating mga kakayanan, abilidad, at mga pinagkakalibangan ay lahat galing sa Diyos at inaasahan Niyang gagamitin natin ang mga kaloob na ito para sa Kanyang kadakilaan. Natutunan mo na bang gamitin ang mga kaloob ng Diyos sa iyo para sa Kanyang layunin sa iyong buhay?

2

Ang aking natanggap na kaloob mula sa Diyos ay dapat kong gamitin upang pagsilbihan ang mga tao.

*Binigyan ng Diyos ang bawat isa sa atin ng kaloob. Gamitin natin ito para sa ikabubuti ng lahat bilang mabubuting katiwala ng iba't-ibang kaloob ng Diyos. **I PEDRO 4:10***

Ang mga kaloob at talento na ibinigay sa atin ng Diyos ay hindi dapat itago o kaya ay gamitin para sa pansariling kasiyahan lamang. Ang layunin ng mga kakayanang ito ay ang paglilingkuran ang ibang tao. Ating natanggap ang mga kaloob ng Diyos bilang Kanyang mga katiwala at dapat natin Siyang parangalan sa pamamagitan ng tapat na paglilingkod sa ating kapwa. Ano ang ibig sabihin ng katiwala? Paano ka nagiging isang mabuting katiwala ng Diyos?

3

Ang aking paglilingkod ay nagbibigay karangalan sa Diyos.

*Ang binigyan ng kaloob sa pangangaral ay dapat mangaral ng salita ng Diyos. At ang binigyan ng kaloob para maglingkod ay dapat maglingkod ayon sa kakayahang ibinigay sa kanya ng Diyos, upang mapurihan ang Diyos sa lahat ng ginagawa natin sa pamamagitan ni Jesu-Cristo. Makapangyarihan siya at karapat-dapat purihin magpakailanman! Amen. **I PEDRO 4:11***

Ang mga kaloob na ating natanggap mula sa Diyos ay para din lahat sa Kanya. Ang layunin ng lahat ng ating ginagawa ay ang parangalan at luwalhatiin Siya. Hindi mahalaga kung iniisip natin na tayo ay mahusay o hindi mahusay—ang Diyos mismo ang magbibigay sa atin ng abilidad at kalakasan. Kapag tayo ay tapat na naglilingkod sa Diyos, sa tuwing ating ginagamit ang ating mga kakayanan para sa ibang tao at tayo ay umaasa sa Kanyang kalakasan, ang Diyos ay napaparangalan. Paano ka binigyan ng Diyos ng lakas na makapaglingkod sa iba? Isalaysay kung paano ka ginamit ng Diyos upang parangalan Siya at makatulong sa paghikayat sa mga tao na maging tagasunod Niya.